

Mensahe 9

Ang Paghukom sa Dios sa Egipto ug sa Babilonia

Basahong Kasulatan: Jer. 46:2-28; 50:1, 8-16;
51:6-9, 24-25, 28-37, 44-45, 58-64

I. Gipakita sa basahon ni Jeremias ang hulagway sa pag-abot sa Dios aron silotan ug hukman ang mga nasod, nga naghulagway sa mga aspeto sa kalibotan—46:2; 47:1; 48:1; 49:1, 7, 23, 28, 34; 50:1:

- A. Sa paghisgot ni Jeremias sa mga nasod, una niyang gihisgotan ang Egipto (46:2-28) ug sa kataposan ang Babilonia (cap. 50—51):
 - 1. Nagpakita kini nga, sa panan-aw sa Dios, Egiptohanon una ang kalibotan unya Babiloniahanon.
 - 2. Segun sa hulagway sa basahon ni Jeremias, ang kataposang nasod nga hukman mao ang Babilonia; sa mahukman na sa Dios ang Babilonia, makompleto na ang paghukom Niya sa mga nasod.
- B. Aron matuman ang pamatigayon sa Dios, igahin gyod ang iglesia, ang pinili sa Dios sa Bag-ong Tugon, gikan sa kalibotan sa tanang aspeto niini—Juan 17:14, 16; Rom. 12:2; 1 Juan 2:15-17.

II. Naghisgot ang Jeremias 46:2-28 sa paghukom sa Dios sa Egipto:

- A. Ang Egipto naghulagway sa kalibotan sa pagpanginabuhi ug pagpahimulos, nga pinaagi niini giokupahan ug giilog ni Satanas, nga magbubuot sa kalibotan, nga gihulagwayan ni Faraon, ang magbubuot sa Egipto, ang katawhang gipili sa Dios alang sa Iyang pamatigayon—Gen. 12:10; 41:57—42:3; Num. 11:4-6; Heb. 11:25; Juan 12:31:
 - 1. Naghulagway ang nasod sa Egipto sa gingharian sa kangitngitan, sa pagbulotan sa kangitngitan—Col. 1:13; Mat. 12:26.
 - 2. Dili tinubdan sa pagpahimulos ang kalibotan; dapit kini sa pagdaugdaog, ug usa ka matang sa pagdaugdaog ang matag aspeto sa kalibotan—Gal. 4:8.
 - 3. Sa kalibotan gikuptan ni Satanas, sa nangilog nga kamot niya, ang piniling katawhan sa Dios, ang mga gitudlo na nga motuman sa tuyo sa Dios—Efe. 2:2; Luc. 13:11-12:
 - a. Lahi ang maanaa, lahi sab ang maanaa alang sa diosnong tuyo—Rom. 8:28; Efe. 1:11; 3:11; 2 Tim. 1:9.
 - b. Giilog ni Satanas ang mga tawo aron magtagad ra sila sa pagkaanaa nila, dili sa tuyo sa Dios sa ilang pagkaanaa—Mat. 6:25, 31-33.
 - 4. Ang usa ka aspeto sa tuyo sa Dios sa pagtawag kanato paggamit man kanato sa pagpagawas sa uban sa pag-ilog ug pagdaugdaog ni Satanas ug sa kalibotan—Buh. 26:18; Efe. 3:9.
- B. Daotang sistema ang kalibotan nga gisistemag pahiluna ni Satanas—1 Juan 2:15-17; Sant. 4:4:
 - 1. Gilalang sa Dios ang tawo aron mabuhi dinhi sa yuta para matuman ang Iyang tuyo, apan aron mailog sa Iyang kaaway nga si Satanas ang tawong gilalang

Mensahe 9 (sumpay)

- sa Dios, nagporma kinig batok-sa-Dios nga sistema sa kalibotan dinhi sa yuta sa pagsistema niini sa mga tawo pinaagi kultura, edukasyon, industriya, komersyo, kalingawan, ug relihiyon—Efe. 3:11; Gen. 1:26-28; 2:8-9; 4:16-24.
2. Gisistema ni Satanas ngadto sa iyang gingharian sa kangitngit ang tanang butang sa yuta, ilabi na kadtong may kalabotan sa tawo, ug ang tanang butang sa kahanginan aron mookupar sa mga tawo ug moulang nila aron dili sila makatuman sa tuyo sa Dios ug mopasimang nila sa pagpahimulos sa Dios—1 Juan 2:15-17.
 3. Batok sa Dios Amahan ang kalibotan, batok sa kabubut-on sa Dios ang mga butang sa kalibotan, ug mga kaaway sa Dios ang mga nahigugma sa kalibotan—vv. 15-17; Sant. 4:4.
 4. “Naghigda ang tibuok kalibotan,” ang satanasnong sistema, “diha sa daotan”—1 Juan 5:19:
 - a. Naglangkob ang *tibuok kalibotan* sa satanasnong sistema sa kalibotan ug sa mga tawo sa kalibotan, sa nahulog nga kaliwat sa tawo.
 - b. Nagpasabot ang *naghigda* nga nagpabiling walay pagsupak diha sa gin-sakpan sa pag-ilog ug pagmaniobra sa daotan; walay pagsupak nga nag-higda ang tibuok kalibotan diha sa nag-ilog ug nagmaniobrang kamot ni Satanas, sa daotan.
 - c. Nagpasabot ang Griyegong pulong “daotan” sa 1 Juan 5:19 nianang maka-daot gyod nga daotan, nianang makaapekto sa uban, makaimpluwensya nila nga mahimong daotan ug salbahis; kanang daotan mao si Satanas, ang yawa, nga gihigdaan sa tibuok kalibotan.
 5. Gigamit ni Satanas ang materyal nga kalibotan ug ang mga butang nga naa sa kalibotan aron sa kapulihay ipasakop ang tanan sa gingharian ni Anticristo; nianang taknaa moabot na sa kinahabogan niini ang sistema sa kalibotan, ug mapadayag nga batok sa Cristohanon ang matag bahin niini—2 Tes. 2:3-12.
 6. Gihukman pinaagi sa buhat ni Cristo didto sa krus ang daotang sistema sa kalibotan ni Satanas, ang gingharian sa kangitngitan—Juan 12:31-32; 16:11:
 - a. Sa pagkamatay sa Ginoo didto sa krus diha sa pagkasama sa unod sa sala, gilaglag Niya si Satanas, nga naa sa unod sa tawo—Rom. 8:3; Heb. 2:14.
 - b. Sa paghukom kang Satanas sa ingon niana, gihukman sab sa Ginoo ang kalibotan, nga nagsalig ni Satanas—Juan 16:11.
 - c. Ang pag-isa sa Ginoo didto sa krus maoy nakaingon nga nahukman ang kalibotan ug gipalagpot ang magbubuot niini nga si Satanas—12:31-32.

III. Naghisgot ang Jeremias 50 ug 51 sa paghukom sa Dios sa Babilonia:

- A. Nagsugod sa Babel ang Babilonia—Gen. 10:8-10:
 1. Didto sa Babel gipaalsa ni Satanas batok sa Dios ang kaliwat sa tawo, gipa-simbag mga diosdios, ug gipatuboy ang kaugalingon sa tawo; busa, ang Babel maoy gigikanan, ang tinubdan, sa pag-alsa sa tawo batok sa Dios, pagsimbag mga diosdios, ug pagtuboy sa tawo sa kaugalingon—11:1-9.
 2. Nagpadayon ang Babel sa Babilonia, nga, sa panan-aw sa Dios, maoy kahing-pitan sa pangagamhanan sa tawo—Jer. 50:1; Dan. 2:32-34:

Mensahe 9 (sumpay)

- a. Nausa man ngani si Nabucodonosor, nga hari sa Babilonia, ni Satanas isip pagkalawas ni Satanas—Isa. 14:4, 11-15.
 - b. Gilaglag sa Babilonia ang balaang syudad sa Dios ug ang Iyang balaang templo ug gibihag ang balaang katawhan sa Dios ug ang mga sudlanan sa templo sa Dios—2 Cron. 36:17-20.
- B. Sa Bugna 17 ug 18 ginganlag Dakong Babilonia ang mapahiuling Empiryo Romano, nga dunay duha ka aspeto—relihiyoso ug materyal:
1. Pagpadayag ang Bugna 17 sa relihiyosong Babilonia—sa apostasyanhong Simbahang Romano Catolico:
 - a. Sa panan-aw sa Dios, Babilonia ang Simbahang Romano Catolico nga nagpatunhay og daghang butang sa Judaismo ug nisagop og daghang butang sa paganismo.
 - b. Ang puta sa 17:1 mao ang apostasyanhong Simbahang Romano Catolico.
 - c. Kay gidumtan man sa Dios ang apostasyanhong iglesia, sa pagsugod sa dakong kasakitan ipalaglag sa Dios ni Anticristo ug sa napulo ka hari niya ang Simbahang Romano Catolico—vv. 16-17.
 2. Pagpadayag ang Bugna 18 sa materyal nga Babilonia—sa syudad sa Roma:
 - a. Sa Bugna 17 ug 18 gisagol ang duha ka aspeto sa Babilonia—ang relihiyosong aspeto ug ang materyal nga aspeto:
 - 1) Nagpasabot ang puta sa 17:16 sa relihiyosong Babilonia, nga nagtimaan sa Simbahang Romano Catolico, samtang nagpasabot ang babaye sa versiculo 18 sa materyal nga Babilonia, nga nagtimaan sa syudad sa Roma.
 - 2) Kay duha man ka aspeto ang Dakong Babilonia, ang paggula gikan niya paggula gyod gikan sa relihiyoso ug sa materyal nga Babilonia—18:4
 - b. Mahimong dulumtanan sa panan-aw sa Dios ang materyal nga Babilonia, ang syudad sa Roma, kay kini man ang tinubdan sa yawan-ong politika ug yawan-ong relihiyon—vv. 6-8, 20-24.
 - c. Si Cristo nga laing Manulonda mohayag sa yuta aron laglagon ang Dakong Babilonia, ang syudad sa Roma, pinaagi sa Iyang dakong pagbulot-an—vv. 1-2.
- C. Ang prinsipyo sa Babilonia pagsagol man sa mga butang sa tawo sa Pulong sa Dios, ug sa mga butang sa unod sa mga butang sa Espiritu—17:1-5:
1. Panagsagol sa mga butang sa Dios ug sa mga butang sa mga diosdios ang Babilonia:
 - a. Gisunog ni Haring Nabudoconosor sa Babilonia ang balay sa Dios sa Jerusalem, ug gidala niya ang tanang sudlanan sa balay sa Dios alang sa pagsimba sa Dios ug gibutang kini sa templo sa iyang mga diosdios sa Babilonia—2 Cron. 36:6-7; Esd. 1:11.
 - b. Sa Bag-ong Tugon nidako kining panagsagola sa dakong Babilonia—Bug. 17:3-5.
 2. Mogula gyod ta sa matag sitwasyon nga nasagol ang gahom sa tawo sa gahom sa Dios, nasagol ang kahimoan sa tawo sa buhat sa Dios, ug nasagol ang opinyon sa tawo sa pulong sa Dios—18:4, nota 1.

Mensahe 9 (sumpay)

- D. Duha ang pagkatumpag sa Dakong Babilonia—ang pagkatumpag sa relihiyosong Babilonia ug ang pagkatumpag sa materyal nga Babilonia—14:8; 18:2:
1. Matumpag ang relihiyosong Babilonia sa pagsugod sa dakong kasakitan—17:16-17.
 2. Matumpag ang materyal nga Babilonia sa kataposan sa dakong kasakitan—18:2, 21.
 3. Ang pagdayeg sa 19:1-4 dili labi gyong may kalabotan sa pagkatumpag sa materyal nga Babilonia kondili sa pagkatumpag sa relihiyosong Babilonia, kay sa panan-aw sa Dios mas dulumtanan ang relihiyosong Babilonia kaysa materyal nga Babilonia.
- E. Hukman sa Dios ang Babilonia hangtod wala na gyoy mabilin niini sa uniberso:
1. Gipanagna ni Isaias ug ni Jeremias nga malaglag na ngani ang Babilonia, dili na gyod kini mapahiuli pa—Isa. 14:22-23; Jer. 50:39; 51:62.
 2. Sa laglagon na sa Dios ang relihiyoso ug politikanhong Babilonia sa kataposan sa panahon, kataposan na unya kana sa paghukom sa Babilonia nga gipangagna sa mga capitulo 50 ug 51.
 3. Laglagon ang Dakong Babilonia, kuhaon gikan sa yuta, ug itambog sa linawng kalayo, ug ipadangat ang Bag-ong Jerusalem aron mahimong tataw kaayong sentro sa walay kataposang gingharian sa Dios sa bag-ong langit ug bag-ong yuta—Bug. 11:15; 21:2, 10-11.